

鮑氏集
謝宣城詩集
梁昭明文集
江文通文集

鮑氏集

四部叢刊初編集部

上海商務印書館縮
印毛斧季氏校宋本

宋本每冊廿行每
行六字小字不寄

凡行爲一

凡半冊書爲一

宋本鮑氏集卷第一
即據遺本

鮑照集序

散騎侍郎虞炎奉敕撰

鮑照字明遠本上黨人家世貧賤少有文思
宋臨川王愛其才以爲國侍郎王薨始興王
濬又引爲侍郎孝武初除海虞令遷太學博
士兼中書舍人一本云時主多忌以文自高
其才思盡出爲秣陵令又轉永嘉令火明五
年除前軍行參軍侍臨海王鎮荊州掌知內
命尋遷前軍刑獄參軍事宋明帝初江外拒
命及義嘉敗荆土震擾江陵人宋景因亂掠
城爲景所殺時年五十餘身既遇難篇章無
遺流遷人間者往往見在儲皇博採群言遊
好文藝片辭隻韻罔不收集照所賦述雖乏
精典而有超麗爰命陪趨備加研訪年代稍
遠零落者多今所存者儻能半焉

鮑氏集序

鮑氏集序

鮑氏集卷第一

此行據前
目錄空五格後同

題空四格後同

舞鶴賦

蕪城賦

芙蓉賦

遊思賦

飛蛾賦

舞鶴賦

散幽經以驗物偉胎化之仙禽鍾浮曠之藻
質抱清迥之明心指蓬壺而飄翰望崑閬而
揚音匝日域以迴驚窮天步而高尋踐神區
其既遠積靈祀而方多精舍丹而星耀頂凝
紫而煙華引圓吭之纖婉頓脩趾之鳴嫵疊
霜毛而弄影振玉羽而臨霞朝戲於芝田夕
飲乎瑤池厭江海而游澤掩雲羅而見羈去
帝鄉之岑寂歸人寰之喧卑歲崢嶸而催暮
心惆悵而哀離於是窮陰殺節急景凋年涼
沙振野箕風動天嚴嚴苦霧皎皎悲泉冰塞
長河雪滿群山旣而寥昏夜歇景物澄廓星
翻漢回曉月將落感寒鸛之早晨憐霜鴈之
遠漢臨驚風之蕭條對流光之照灼啾青響

於丹墀舞容飛於金閣始連軒以鳳踏終宛
轉而龍躍躑躅徘徊振迅騰摧驚身蓬集矯
翅雪飛離網別赴合渚相依將與中止若往
而歸殿脊矜顧遷延遷暮遠翻後塵翔翥先
路指會規翔臨岐矩步態有遺妍貌無停趣
奔機逗節角矇分形長揚揚一作緩驚並翼連
聲輕迹交亂浮影交橫衆纒繁姿參差洊密
煙交霧凝若無毛質風去雨還不可談悉既
散魂而盪目迷不知其所之忽星離而雲罷
整神容而自持仰天居之崇絕更惆悵而驚
思當是時也燕姬色沮巴僮心恥巾拂兩停
九匆雙止雖鄴鄆其敢倫豈陽阿之能擬入
衛國而乘軒出吳都而傾市守馴養於千齡
結長悲於萬里

燕城賦

登廣陵城作

潏池平原南馳蒼梧漲海北走紫塞鴈門施
以漕渠軸以崑崗重關複江之奧四會五達
之莊當昔全盛之時車掛轡人駕有屢開撰
地歌吹沸天孽貨鹽田鏹利銅山才力雄富
士馬精妍故能侈秦法佚周令劃崇墉剡濬

移

洳圖修世以休命是以板築雉堞之殷井幹
烽櫓之勤格高五嶽表廣三墳岵若斷岸矗
似長雲製磁石以禦衝糊頽壤以飛文觀基
局之固護將萬祀而一君出入三代五百餘
載竟瓜割而豆分澤蔡依井荒葛冒途壇羅
虺鉞階關麗廳木魅山鬼野鼠城狐風鳴雨
嘯昏見晨趨饑鷹礪吻寒鷗雛伏暴藏虎
乳血餐膚崩榛塞路崢嶸古植白楊早落塞
草前衰稜稜霜氣載藪風威孤蓬自振驚沙
坐飛灌莽杳而無際叢薄紛其相依通池既
已夷峻隅又已頽直視千里外唯見起黃埃
凝思寂聽心傷已摧若夫藻局繡帳歌堂舞
閣之基璇淵碧樹弋林釣渚之館吳蔡齊秦
之聲魚龍爵馬之玩皆薰歇燼滅光沉響絕
東都妙姬南國佳人蕙心絃質玉貌絳唇莫
不埋魂幽石委骨窮塵豈憶同輩之愉樂離
宮之苦辛哉天道如何吞恨者多抽琴命操
為燕城之歌歌曰邊風起兮城上寒井徑滅
兮丘隴殘千齡兮萬代共盡兮何言

芙蓉賦

感衣裳於楚賦詠憂思於陳詩訪群英之艷
絕標高名於澤芝會春陂乎夕張舉芙蓉而
水嬉抽我衿之桂蘭點子吻之瑜辭選群芳
之微號抱茲性之清芬寔若華之驚絕單蘆
陽之妙手測澆池之光潔灤彰輝之明媚紫
雕霞之繁悅顧椒立而非偶豈園桃而能埒
彪炳以積藻翠景而紅波青房兮規接紫的
兮圓羅樹妖遙之弱幹散菡萏之輕荷上星
光而倒景下龍鱗而隱波戲錦鱗而夕映曜
繡羽以晨過結遊童之湘吹起榜妾之江歌
備日月之溫麗非盛明而謂何若乃當融風
之暄盪承暑雨之平渥被瑤塘之周流繞金
渠之屈曲排積霧而楊芬鏡洞泉而含綠葉
折水以爲珠條集露而成玉潤蓬山之瓊膏
輝葱河之銀燭冠五華於仙草超四照於靈
木雜衆姿於開卷閱群貌於昏明無長袖之
容止信不笑之空城森繁葉以上擢紛湘蘩
而不傾根雖割而瑄微柯既解而絲繁感盛
衰之可懷質始終而常清故其爲芳也綢繆
其爲媚也奔發對粧則色殊比蘭則香越泛

宛宋本機機見字

明綵於宵波飛登華於曉月陋荆姬之朱顏
笑夏女之光髮恨狎世而貽賤徒愛存而貴
沒雖凌群以擅奇終從歲而零歇

遊思賦

雲徑兮海衝上潮兮送風秋水兮駕浦涼煙
兮冒江暮氣起兮速岸黑陽精滅兮天際紅
波汙汙兮無底山森森兮萬重平隰兮巨岸
通川兮瀉壑仰盡兮天經俯窮兮地絡望波
際兮曇曇眺雲間兮灼灼乃江南之斷山信
海上之飛鶴指煙霞而問鄉窺林嶼而訪泊
撫身事而識苦念親愛而知樂苦與樂其何
言悼人生之長役捨堂宇之密親坐江潭而
爲客對蒹葭之遂黃親雲露之方白鴻晨驚
以響湍泉夜下而鳴石結中洲之雲蘿託綿
思於遙夕瞻荆吳之遠山望邯鄲之長陌塞
風馳兮遶草飛胡沙起兮鷹揚翻雖燕越之
異心在禽鳥而同戚悵收情而收淚遣繁悲
而自抑此日中其幾時彼月滿而將蝕生無
患於不老奚引憂以自逼物因節以卷舒道
與運而升息賤賣卜以當墟隱我耕而子織

誠愛秦王之奇勇不願絕筋而稱力已矣哉
使豫章生而可知夫何異乎叢棘

飛蛾賦

仙鼠伺闇飛蛾候明均靈舛化詭欲齊生觀
齊生而欲詭各會住以憑方陵焦煙之浮景
赴熙燄之明光枝身幽草下畢命在此堂本
輕死以邀得雖糜爛其何傷豈學山南之文
豹避雲霧而巖藏

鮑氏集卷第一



鮑氏集卷第一

目錄空五格

題目空四格

鮑氏集卷第二

□□□□

尺蠖賦

觀漏賦

野鴉賦

傷逝賦

園葵賦

□□□□

尺蠖賦

智哉尺蠖觀機而作申非向厚屈非向薄當
靜泉亭遇躁風驚起軒軀以曠跨伏累氣而
併形冰炭弗觸鋒刃歷迂逢嶮蹙躋僊夷舒
步忌好退之見猜哀必進而為盡每驤首以
輒途常佇景而灑露故身不豫託地無前期
動靜必觀於物消息各隨乎時從方而應何
慮何思是以軍筭慕其權國容擬其變高賢
圖之以隱淪智士以之而藏見笑靈蛇之友
蟄羞龍德之方戰理害道而為尤事傷生而
感賤焉見義而守勇豈專取於弦箭

觀漏賦并序

客有觀於漏者退而數曰夫及遠者箭也而
定遠非箭之功為生者我也而制生非我之

情故自箭而爲心不可憑者絃因生以觀我
不可恃者馬憑其不可恃故以悲哉況乎沉
華密遠輕波潛耗而感神嬰慮者又自外而
傷壽以是思生生亦勤矣乃爲賦云

佩流歎於騷年纓華思於奔月結蘭若以璽
楚弄參差以歌越撫凝肌於遷滯鑑雕容於
髮鬋景有隆而易昏憂無方而難歇歷攻階
而升隄訪金臺之盈闕觀騰波之吞寫視驚
箭之登漫箭旣沒而復登波長瀉而弗歸注
沉穴而海漏射懸塗而電飛墮戶牖而知天
掩雲霧而測暉創百齡於纖隱積千里於空
微彼崢嶸而行溢此冉冉而逾衰撫寸心而
未改指分光而未違昔傷天之奔禽聞虛弦
之顛仆徒嬰刃而知懼豈潛機之能覺惟生
經之霍靡亦悲長而懼促橫證古而秉心抱
空意其如玉波沉沉而東注日滔滔而西屬
落繁馨於纖草頌豐華於喬木對具離而後
歌據窮蹊而方哭雖接薪之更傳寧絕明之
還續質古今而并念信寡易而多難時不留
乎激矢生乃急於走也既河源之莫壅又吹

波而助瀾神怵迫而多慮心輶輶而歎歡望
天涯而佇念擢雄劍而長歎嗟生民之永迷
躬與後而皆恤死零落而無二生差池之非
一理幽分於化前筭冥定於天秩與艾骨而
招病猶割腸而興疾情殊用而俱盡事離方
而同失聊弭志以高歌順煙雨而沉逸於是
隨秋鴻而汎渚逐春鷺而登梁進賦詩而展
念退陳酒以排傷物不可以兩大得無得而
雙昌薰晚華而後落槿早秀而前亡姑屏憂
以愉思樂茲情於寸光從江河之紆直委天
地之圓方漏盈兮漏虛長無絕兮芬芳

野鵝賦并序

有獻野鵝於臨川王世子愍其樊繫命爲之
賦其辭曰

集陳之隼以自遠而稱神栖漢之雀乃出幽
而見珍此瓊禽其何取亦廁景而承仁捨水
澤之驩逸對鍾鼓之悲辛豈徇利而輕命將
感愛而投身入長羅之逼脅恨高繳之樊繫
遯辭朋而別偶超煙鷺而風行跨日月而遙
逝忽瞻國而望城踐菲迹於瑤塗昇弱羽於

丹庭震東西之繡戶眺左右之金高貌纖殺而含一作恹恹心翻越而慙驚若墜而墮谷恍

不知其所寧惟君固之珍麗實妙物之所殷

翔海澤之輕鷗巢天宿之鳴鶉鷗程材於梟

猛翬薦體之雕文既數容以照景亦選翮以

排雲雖居物以成偶終在我以非群望征霧

而延悼顧委翼而自傷無青雀之銜命之赤

鴈之嘉祥空穢君之園池徒慙君之稻梁願

引身而剪迹抱末志而幽藏於是流歲遂達

慘節方崇雲纏海岱風拂嶠潼飛雲一作霧馳

霞飄沙舞蓬視清池之初涸望綠林之始空

立菰蒲之寒渚託隻影而爲雙宛拔塚而掩

背悲結悵而滿胃處朝晝而雖念假外見而

遷排涉脩夜之長寂信專思而知哀風稍稍

而過樹月蒼蒼而照臺冰依岸而早結霜託

草而先摧歛雙翮於水裔翹孤趾於林隈情

無方而雨集事有限而星垂在俄頃而猶悼

矧窮生之所懷聞宿世之高賢澤無微而不

均育草木而明義愛禽鳥而昭仁全殞卵而

之一塵苟全軀而畢命庶魂報以自申

傷逝賦

晨登南山望美中阿露團秋槿風卷寒蘿悽
愴傷心悲如之何盡若窮煙離若剪絃如影
滅地猶星殞天棄華宇於明世閉金扁於下
泉永山河以自畢眇千齡而弗旋思一言於
向時邈衆代於古年逝稍遠而變體浸幽明
而改時覽篇迹之如且婉遺意而在茲忽若
謂其不然自惆悵而驚疑循堂廡而下降歷
幃戶而升基服委襟而褫帶器蒙管而韜綵
志存業而遺績身先物而長辭豈重歡而可
觀追前感之無期寒往暑來而不窮哀極樂
反而有終隧已遷而禮革月既逾而慶通心
微微而就遠跡離離而絕容白日謁而回陰
閨館寂而深重冀憑靈於前物佇美目手房
櫛徒望思以求久邀歸來其何從結單心於
暮條掩行淚於晨風念沉悼而誰劇獨嬰哀
於逝躬草忌霜而逼秋人惡老而逼衰誠衰
耄之可忌或甘願而志違彼一息之短景乃
累恨之長暉尋平生之好醜成黃塵之是非

將滅耶而尚在何有去而無歸惟桃李之零
落生有促而非天觀龜鶴之千祀年能富而
情少反靈質於二塗亂感悅於雙抱日月飄
而不留命倏忽而誰保譬明隙之在梁如風
露之停草髮迎憂而送華貌先悴而收藻共
甘苦其幾人曾無得而偕老拂埃琴而抽思
啓陳書而遐討自古來而有之夫何怨乎天
道

園葵賦

風暖凌開土冒泉動游塵曝日鳴雉依隴主
人拂黃冠拭藜杖布蔬種平圻壤通畔修直
膏畝夷敞白莖紫蒂豚耳鴨掌溝東陌西行
三畦兩既區既鉏乃露乃映勾萌欲伸藂牙
將散爾乃晨露夕陰霏雲四委沉雷遠震飛
雨輕灑徐未及晞疾而不靡柔苴爰秀剛甲
以解稚葉萍布弱陰斃抽萋萋翼翼沃沃油
油下歲耜而被逕上參差而覆疇承朝陽之
麗景得傾柯之所投仕非魯相有不拔之利
實惟二仲無逸馬之憂顧萋茶而莫偶豈蘋
藻之薦羞若乃鄰老談稼女嫗歸桑拂此萋

席炊彼稌梁鼈壺接醢曲瓢卷漿乃羹乃滌
堆鼎盈筐甘昔脩脆柔滑芬芳消淋逐水潤
胃調腸於是既飮徹盤投筋回小人之腹為
君子之慮近觀物運遠訪師聖聲數後彰律
理前定烏非黔黑鶴豈浴淨彼圓行而方止
固符之於天性伊冬簋而夏裘無雙功而並
盛盪然任心樂道安命春風夕來秋一作月
晨映獨酌南軒擁琴孤聽篇章間作以歌以
詠魚深沉而鳥高飛孰知美色之為正

鮑氏集卷第二

園葵賦

鮑氏集卷第一

鮑氏集卷第三

代東武吟一本代下並無代字

代出自薊北門行

代結客少年場行

代東門行

代苦熱行

代白頭吟

代蒿里行

代放歌行

代昇天行

代別鶴操

代雄朝飛

代淮南王二首

代空城雀

代鳴鴈行

代夜坐吟

代北風涼行

代春日行

代少壯時至衰老行

代陽春登荆山行荆一作京



代朗月行

代堂上歌

代貧賤愁苦行

代邊居行

代門有車馬客行

代悲哉行

代權歌行

代邽街行一本作去邪行

代陳思王白馬篇

代陳思王京洛篇

代陸平原君子有所思行

代白紵曲二首

代白紵舞歌詞四首奉始興王命作并啓

代東武吟

主人且勿諠賤子歌一言僕本寒鄉士出身

蒙漢恩始隨張校尉召募到河源後逐李輕

車追虜出塞垣密塗亘萬里寧歲猶七奔肌

力盡鞍甲心思歷涼溫將軍既下世部曲亦

罕存時事一朝異孤績續一作績誰復論少壯辭

家去窮老還入門腰鎌刈葵藿倚杖牧鷄豚

昔如韞上鷹今似檻中猿徒結千載恨空負
百年怨棄席思君慙疲馬戀君軒願垂晉主
惠不媿田子魂

代出自蘭北門行

羽檄起邊亭烽火入咸陽徵師屯廣武分兵
救朔方嚴秋筋竿勁虜陣精且彊天子按劍
怒使者遙相望鴈行緣石徑魚貫渡飛梁蕭
鼓流漢思旌甲披胡霜疾風衝塞起沙礫自
飄揚馬毛縮如蠅角弓不可張時危見臣節
世亂識忠良投軀報明主身死為國殤

代結客少年場行

駉馬金絡頭錦帶佩吳鉤失意杯酒間白刃
起相讎追兵一旦至負劍遠行辭去鄉三十
載復得還舊丘昇高臨四關表裏望皇州九
垓平若水雙闕似雲浮扶宮羅將相夾道列
王侯日中市朝滿車馬若川流擊鍾陳鼎食
方駕自相求今我獨何為增填壤懷百憂

代東門行

傷禽惡弦驚一作驚倦客惡離聲離聲斷客情
賓御背涕零涕零心斷絕將去復還訣一息

不相知何況異鄉別遙遙征駕遠杳杳白日
晚居人掩閨卧行子夜中飯野風吹秋木行
子心腸斷食梅常苦酸衣葛常苦寒綠竹徒
滿坐憂人不解顏長歌欲自慰彌起長恨端

代苦熱行

赤坂橫西阻火山赫南威身熱頭且痛鳥墜
魂來歸湯泉發雲潭焦煙起石折一作一日月
有恒昏雨露未嘗晞丹蛇踰百尺玄蜂盈十
圍含沙射流影吹蠱病行暉瘴氣盡薰體草
露夜濡衣饑餒莫下食晨禽不敢飛毒涇尚
多死渡瀘寧具腓生軀蹈死地曷志登禍機
戈船榮既薄伏波賞亦微爵輕君尚惜士重
安可希

代白頭吟

直如朱絲繩清如玉壺冰何慙宿昔意猜恨
坐相仍人情賤恩舊世議逐衰興毫髮一為
瑕丘山不可勝食苗實碩鼠點一作白信蒼
蠅鳬鵠遠成美薪芻前見陵申黜褒女進班
去趙姬昇周王日淪惑漢帝益嗟稱心賞猶
難恃貌恭豈易憑古來共如此非君獨撫膺

代蒿里行

同盡無貴賤殊願有窮申馳波催永夜零露
逼結晨輝我幽山駕去此滿堂親虛容遺劍
佩實貌戢衣巾斗酒安可酌尺書誰復陳年
代稍推遠懷抱日幽淪人生良自劇天道與
何人齎我長恨意歸爲孤兔塵

代放歌行

夢蟲避葵堇習苦不言排小人自齷齪安知
曠士懷鷄鳴洛城裏禁門平旦開冠蓋縱橫
至車騎四方來素帶曳長纓華纓結遠埃日
中安能止鍾鳴猶未歸夷世不可逢賢君信
愛才明慮自天斷不受外嫌猜一言分珪爵
片善辭草萊豈伊白璧賜將起黃金臺今君
有何疾臨路獨遲迴

代昇天行

家世宅關輔勝帶官王城備聞十帝事委曲
兩都情倦見物興衰驟覩俗屯平翻翻若回
掌恍惚似朝榮窮途悔短計晚志重長生從
師入遠嶽結友事仙靈五圖發金詔九籀隱
丹經風餐委松宿雲卧恣天行冠霞登綵閣

代別鶴操

解玉飲椒庭雙遊越萬里以別數千齡鳳臺
無還駕蕭管有遺聲何時與汝曹聚腐共吞
腥

代別鶴操

雙鶴俱起時徘徊滄海間長弄若天漢輕驅
似雲懸幽客時結侶提攜遊三山青繳凌瑤
臺丹羅籠紫煙海上悲風急三山多雲霧散
亂一相失驚孤不得住緬然日月馳遠矣絕
音儀有願而不遂無怨以生離鹿鳴隱深草
蟬鳴隱高枝心自有所存旁人那得知

代雉朝飛

雉朝飛振羽翼專場挾兩有一本下恃疆力媒
已驚驛又逼黃間替發虛矢直劍繡頸碎錦
臆絕命君前無怨色握君手執杯酒意氣相
傾死何有

代淮南王二首

淮南王好長生服食練氣讀仙經琉璃舊枕
牙作盤金鼎玉七合神丹神春神丹戲紫房
紫房綵女弄明璫驚歌鳳舞斷君腸朱城九
門門九閨願逐明月入君懷入君懷結君佩
怨君恨君恃君愛築城思堅劒思利同盛同

宋本第一首餘當未
蓋改無定處時未直
寫作一首大約百數
李處戶生此病

衰莫相棄

代空城雀

雀乳四轂空城之阿。朝食野粟。夕飲冰河。高
飛畏鷗鳶。下飛畏網羅。辛傷伊何言。怵迫良
已多。誠不及青鳥。遠食玉山。未猶勝吳宮鸞。
無罪得焚窠。賦命有厚薄。長歎欲如何。

代鳴鴈行

邕邕鳴鴈。鳴始旦。齊行命侶。入雲漢。中夜相
失。群離亂。留連徘徊。不忍散。憔悴容儀。君不
知。辛苦風霜。亦何為。

代夜坐吟

冬夜沉沉。夜坐吟。含聲未發。已知心。霜入幕。
風度林。朱燈滅。朱顏尋體。君歌逐君音。不貴
聲。貴意深。

代北風涼行

北風涼。雨雪零。京洛女兒。多嚴粧。逆豔帷中。
自悲傷。沉吟不語。若有忘。問君得行何當歸。
苦使妾坐。自傷悲。慮年至。慮顏衰。情易遠。恨
難追。

代春日行

朗宗本詩

獻歲發。吾將行。春山茂。春日明。園中鳥多嘉
聲。梅始發。桃始青。汎舟鱸。齊權驚。奏採菱歌。
鹿鳴風。微起波。微生絃。亦發酒。亦傾入蓮池。
折桂枝。芳神動。芬葉披。兩相思。兩不知。

代少年時至衰老行

憶昔少年時。馳逐好名晨。結友多貴門。出入
富兒鄰。綺羅艷華風。車馬自揚塵。歌唱青琴
女。彈箏燕趙人。好酒多芳氣。饋味厭時新。今
日每相念。此事邈無因。寄語後生子。作樂當
及春。

代陽春登荆山行

荆一作京

旦登荆山頭。崎嶇道難辭。早行犯霜露。苔滑
不可留。極眺入雲表。窮目盡帝州。方都列萬
室。層城帶高樓。奕奕朱軒馳。紛紛高衣流。日
氣映山浦。暄霧逐風收。花木亂平原。桑柘盈
絲。一作平疇。攀條弄紫莖。藉露折芳柔。遇物雖
成趣。念者不解憂。且共傾春酒。長歌登山丘。

代朗月行

朗月出東山。照我綺窓前。窓中多佳人。被服
妖且妍。靚粧坐帳裏。當戶弄清絃。鬢奪衛女

迅體絕飛燕先為君歌一曲當作朗月篇酒
至顏自解聲和心亦宣千金何足重所存意
氣間

代堂上歌行

四坐且莫謔聽我堂上歌昔仕京洛時高門
臨長河出入重宮裏結友曹與何車馬相馳
逐賓朋好容華陽春孟春月朝光散流霞輕
步逐芳風言笑弄丹葩暉暉朱顏酖紛紛織
女梭滿堂皆美人自我對湘娥雖謝侍君開
明粧帶綺羅箏笛更彈吹高唱好相和萬曲
不開心一曲動情多欲知情厚薄更聽此聲
過

代貧賤愁苦行

湮沒雖死悲貧苦即生刺長歎至天曉愁苦
窮日夕盛顏當少歇鬢髮先老白親友四面
絕朋知斷三益空庭慙樹萱藥餌媿過客貧
年忘日時黧顏就人惜俄頃不相酬慙怪面
已赤或以一金恨便成百年隙心為千條計
事未見一獲運北津塗塞遂轉死溝洫以此
窮百年不如還窀穸

代

伐邊居行

少年遠京一作陽遙遙萬里方陋巷絕人徑
茅屋摧山崗不覩車馬迹但見麋鹿場長松
何落落丘隴無復行邊地無高木蕭蕭多白
楊盛年日月盡一去萬恨長悠悠世中人事
此雖刀忙不憶貧賤時富貴輒相忘紛紛徒
滿目何關慨予傷不如一畝中高會挹清漿
遇樂便作樂莫使候朝光

代門有車馬客行

門有車馬客問客何鄉士捷步往相說果得
舊鄰里悽悽聲中情慊慊增下理一作語昔
有故悲論今無新喜清晨相訪慰日暮不能
已歡戚競爭緒談調何終止辭端竟未究忽
唱分途始前悲尚未弭後感方復起嘶聲盈
我口談言在君耳手迹可傳心願爾駕一作
行李

代悲哉行

羈人感淑景緣欲回轍我行詎幾時華實
驟舒結觀實情有悲瞻華意無悅覽物懷同
志如何復乖別翩翩翔禽羅關關鳴鳥列翔

鳴尚嚳偶所歎獨乖絕

代權歌行

羈客離嬰時飄飄無定所昔秋寓江介茲春
客河游往戢于後身願言求懷楚冷冷條疏
潭邕邕鴈循渚颼戾長風振搖曳高帆舉驚
波無留連舟人不躊躇

代邽街行

一本作去邪行

竚立出門衢遙望轉蓬飛蓬去舊根在連翩
逝不歸念我捨鄉俗親好义乖違慷慨懷長
想惆悵戀音徽人生隨時變遷化焉可祈百
年難必果千慮易盈虧

代陳思王白馬篇

白馬駢角弓鳴鞭乘北風要途間邊急離虜
入雲中閉壁自往夏清野徑還冬僑裝多闕
絕旅服少裁縫埋身守漢節沉命對胡封薄
暮塞雲起飛沙披遠松含悲望兩都楚歌登
四墉丈夫設計誤懷恨逐邊戎罷別中國愛
邀冀胡馬功去來今何道單賤生所鍾但令
塞上兒知我獨為雄

代陳思王京洛篇

鳳樓十二重四戶八綺窓繡栊金蓮花桂柱
玉盤龍珠簾無隔露羅幌不勝風寶帳三千
所為爾一朝容揚芬紫煙上垂綵綠雲中春
吹回白日霜歌落塞鴻但懼秋塵越盛愛逐
衰蓬坐視青苔滿卧對錦筵空琴瑟縱橫散
舞衣不復縫古來共歇薄君意豈獨濃唯見
雙黃鵠千里一相從

代陸平原君子有所思行

西出登雀臺東下望雲闕層閣肅天居馳道
直如髮繡覺結飛霞璇題納行月築山擬蓬
壺穿池類溟渤選色遍齊岱微聲匝邛越陳
鍾陪夕讌笙歌待明發年貌不可還身意會
盈歌蟻壤漏山阿絲波毀金骨器惡含滿歌
物忌厚生浸智哉衆多士服理辨昭昧

代白紵曲二首

朱脣動素袖舉洛陽少童一作邯鄲女古稱
綠水今白紵催絃急管為君舞窮秋九月荷
葉黃北風驅鴈天雨霜夜長酒多樂未央
春風澹蕩俠思多天色淨綠氣研和含挑紅
萼蘭紫牙朝日灼燦發園華卷幌結帷羅玉

庭齊謳秦吹盧女絃千金顧笑買芳年

代白紵舞歌詞四首

奉始興王勰作并啓

侍郎臣鮑照啓被敕作白紵舞歌詞謹竭庸
陋裁爲四曲附啓上呈識方泐悻思塗猥局
言既無雅聲未能文不足以宣贊聖旨拙拔
妙實謹遣簡餘慙隨悚盈謹啓

詞

吳刀楚製爲佩褱纖羅霧縠垂羽衣含商咀
徵歌露晞珠履颯背紉袖飛縠風夏起素雲
回車急馬煩客忘歸蘭膏明燭承夜暉

桂宮栢寢擬天居朱爵文憲韜碧疏象牀瑤

席鎮犀渠雕屏合匝組帷

一作帳

舒秦箏趙瑟

挾笙竽珥璫散佩盈玉除停觴不御欲誰頒

三星差池露霑濕絃悲管清月將入寒光蕭

條候蟲急荆王流歎楚妃泣紅顏難長時易

戢凝華結綵久延立非君之故豈妄集

池中赤鯉庖所捐琴高棄去飛上天命逢福

世丁溢恩簪金藉綺昇曲筵恩厚德深委如

山灑誠洗志期暮年烏白馬角寧足言

鮑氏集卷第三

鮑氏集卷第四

擬古八首

擬青青陵上栢

學劉公幹體五首

擬阮公夜中不能寐

學陶彭澤體

奉和玉

紹古辭七首

幽蘭五首

學古

一作北風雪

擬古八首

魯客事楚王懷金襲丹素既荷主人恩又蒙

令尹顧日宴罷朝歸與馬塞衢路宗黨生光

輝賓僕遠傾慕富貴人所欲道得亦何懼南

國有儒生迷方獨淪誤伐木清江湄設罟守

龜兎

十五諷詩書篇翰靡不通弱冠參多士飛步

遊秦宮

一作紫宮

側觀君子論預見古人風兩說

窮古端五車摧筆鋒羞當白璧貶恥受聊城

功晚節從世務乘障遠和戎解佩襲犀渠卷

袞奉盧弓始願力不及安知今所終